

271 kesalahan sepanjang SHMMP Tahun Baru Cina

KUALA LUMPUR - Sebanyak 271 kesalahan dikesan dilakukan peniaga sepanjang pelaksanaan Skim Harga Maksimum Musim Perayaan (SHMMP) Tahun Baru Cina 2020 dari 20 Januari sehingga kelmarin melibatkan kompaun berjumlah RM36,200.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Saifuddin Nasution Ismail berkata, sebanyak 26,872 premis perniagaan borong dan runcit di seluruh negara telah diperiksa dan sejumlah barangan bernilai RM30,324.17 turut dirampas dalam tempoh yang sama.

“Daripada 271 kesalahan itu, sebanyak enam kes menjual melebihi harga maksimum, 217 kes tidak mempamerkan tanda harga khas dan tidak mempamerkan tanda harga (48 kes),” katanya dalam satu kenyataan di sini semalam.

Saifuddin berkata, sepanjang tempoh pelaksanaan SHMMP Tahun Baru Cina 2020, seramai 2,300 pegawai penguat kuasa kementerian telah melakukan pemantauan setiap hari di premis-premis perniagaan bagi memastikan peniaga mematuhi harga kawalan ditetapkan. - *Bernama*



SAIFUDDIN